

تَوَلَّى كَيْسَرُ مَكْمُورٌ زِيَارَتَهُ

اِسْتِثْنَانُ بُول

سنه لك ابوه سی

۵۰ غروش

.....

پوسته اجرتی

۱۰ غروشدر

لسخه سی

۵ غروش

.....

پوسته اجرتی

۴۰ پاره در

شَهْرُ اَمَانَتِی مُحَمَّدِ عَلَی

شهر امانتی طرفندره آبره بر نشر ارنور

تَدْقِيقُ وَتَتَبُعُ قِسْمِی

شهر موزه‌سی

استانبول شهر مجموعه‌سنگ بکرمی ایکسجی و بکرمی اوچنجی صاییلریده نشر ایتدیگمز ایکی مقاله‌ده شهر کتبخانه‌لرینک لزومنه ، ماهیتنه ، وظیفه‌سینه ، قیمت و اهمیتنه دائر اوزون اوزادی به ایضاحات و تفصیلات ویرمشدک . بومقاله‌ده شهر ایچون کتبخانه‌قادر وجودی ائزم بر مؤسسهدن ، شهر موزه‌سندن بحث ایتیمکه چالیشاجمز . اوتهدنبری هر درنو اعمار فعالیتدن محروم بر اقبالان ، بونکله برابر عرفاناً تکاملی هان هیچ نفردقته آلتیان استانبولک شو صولک‌سئر ظرفنده بر طاقم یکی تشبئله صنی ومدنی احتیاجلری یاواش یاواش قلعلمین وتامین ایدیلرکن فکری سویه‌سنگ امال ایدیله‌جکینه محقق نظریله باقیلا بیلیر . شهرک فکریاتی ایله مشغول بر شهر اداره‌سنگ ، رآن اول وجوده‌کله‌سنی ایستیه‌جکی شهر کتبخانه‌سندن صوکرا ، تأسسنه قیمت عطف ایتیه‌سی ایجاب ایدن مؤسسه‌لردن بری والکه‌مه‌ی «شهر موزه‌سی» در . شهر موزه‌سی ، هر هانکی برسیاحه ، شهرک ماضیده‌کی حالیه بوکونکی وضعیتنه وتأسسندن اعتباراً معروض قالدینی تحوللره ، واصل اولدینی تکامل مرحله‌لرینه دائر قولایشجه ، قیصه بر زمانده طویلو بر فکر ویره‌جک ، شهرینک ماضیسی حقنده اساسلی معلومات استحصالنه فرصت وامکان بولامایان شهرلیره یاشادقلری بلده‌نک تاریخی بر قاچ زیارتده طاییتاجی ، اوکرمه‌جک ، نهایت شهرک مستقبل حیات ودورلرنده اداره‌سیله اشتغال ایده‌جکله بر رهبر اولاجقدر . بوماهیتله شهر موزه‌سی ، عائد اولدینی بلده‌نک ماضی وحالیه اولدینی قادر ، بلکه

اوندن فضله استقبالدیه‌کی فیض ورفاهیلده مناسب‌تدار وخدمتی هر هانکی بر شهر ایچون مثبت وثمره‌داردر . شهر موزه‌سی ، بر شهرده هم بر مکتب ، هم بر تربیه وتعلیم مؤسسه‌سی ، همده ره‌قلام وروپاغاندا واسطه‌سیدر . بر شهری ، موزه‌سی قادر سهولته طاییتوب آکلاناچی ، دریندن ، قبلدن سودیره‌جک ، عین زمانده ماضیسنگ ، حال واستقبالک بوتون آتایله جانلاند براق بر نام وجود حالده کوستره‌جک هیچ بر عنصر تصور اولوناماز . بناءً علیه بر شهر ایچون موزه‌تنظیمی ، دیگر ایشلر آردسده خاطرندن جیقماماسی مرجع اولان چوقده کرلی ، چوق قیمتلی بر وظیفه ، ایفاسی خط وذوق ویردن چوق مهم بر خدمتدر .

شهر موزه‌سنگ تنظیمی اختصاصه توقف ایدن برایشدر . بونی ، تاریخی معلوماته مالک هر هانکی بر کیسه ایفا ایدمه‌نر . عمومیتله موزه‌لرک اداره‌س ، تنظیمی حد ذاتده «عتیقات» ایله توغله وابسته اولدقدن باشقه ، آیرنجه تجربه‌یده محتاجدر . علمک کوستردیکی بولار تعقیب ایدیله‌دجکه علمی بر حرکت ادامه ایدیله‌یه‌جکی جهته علمی بر مؤسسه اولان «شهر موزه‌سی» نک تنظیمی ایچون همه‌حال اختصاصه حرمت ، متخصصنه مراجعت ضرورتی واردر . حقیقی وعنوانه لایق ، غایه‌سینه صادق بر شهر موزه‌سی تنظیمی باشقه‌درلو قابل اولاماز . علمک واختصاصک امر ایتدیکی طرزده حرکت اختیار ایتدیگمز حالده قوراجقمز مؤسسه‌نک فائده‌سی پک محدود وخدمتی مشکوک اولور .

شهر موزه‌سی، اول امرده شهرک تاریخیله، ماضیسيله، ثانیاً حال واستقبالیه علاقه دار اولماسی اعتباریه، محتواسی بوکا کوره احضار و ترتیب اولونمق اقتضا ایدر. شو حالده شهر موزه‌سنده :

آ — تاریخی اثرلر .

ب — تاریخله دکل، فقط بوکون دوغروندن دوغریه شهرله مناسب‌تدار اولان اثرلر بولونمق لازم کلیر. بو اثرلر ندر، شهر موزه‌سنک عتواسی نه کبی اشیا تشکیل ایدر؟ بونلری صایق مشکل اولدینی قادار اوزون سوردهجک برایشدر. فقط شهر موزه‌سنک محتواسی حقنده صریح بر فکر ویره بیلیمک آرزوسيله بونلری ممکن اولدینی درجه‌ده تعداد اتمک ایسته‌رز. شهر موزه‌سنده بولوندریلاجق اشیادن خاطرلادقلمز شونلردر :

۱ — شهرک بوکونکی حال ووضیته عائد یاتلر

۲ — حال حاضرده موجود و معمارى قیعی حائر

علی العموم بنالرك داخلی و خارجی رسملری، عمومی و خصوصی پلان وخریطه‌لری .

۳ — حالاً موجود و تاریخی قیعی مثبت بنالرك کذلک داخلی و خارجی رسملری، عمومی و خصوصی پلان وخریطه‌لری .

۴ — الیم معور عمومی باغچه‌لرك، میدانلرك قروکیاری .

۵ — بوکون شهر ابیه‌سنک انشاستده قولالانیان مائزه نمونه‌لری، ترجیح اولونان معمارى طرزى، خارجی شکللر، داخلی ترتیبات و تقسیمات .

۶ — رسمی و عمومی مابینک رسملری، پلان وخریطه‌لری .

۷ — شهرک صو، لیم، الکتریک، هوا غازی، تلفون، تلغراف توزیعات و تقنیاتی، مجرا وخطوطی، صرفاتی .

۸ — شهردهکی شمدوفر، ترامواى خطلری، امتداد، اوغراقلری، کذرکاهی، وسائط نقلیه شرکتلر- سنک سرمایه‌لری، فعالیتلری، تمتعلری .

۹ — وسائط بحریه‌نک سفرلری، وسائط بحریه شرکتلرینک سرمایه‌لری، فعالیتلری، اداره طرزلری، تمتعلری .

۱۰ — بالعموم وسائط نقلیه‌نک شککاری، عددلری، الک زیاده متعمم و مرجع اولانلری .

۱۱ — شهرک بحیه و معاونت اجتماعیه تشکیلاتی : خصوصی و رسمی خسته‌خانه‌لر، ارضاعخانه‌لر، دارالعهزله‌لر، هلال احمر، حماة اطفال، فقرابرور جمعیتلری، بونلرك فعالیتلری، فعالیت ساحه‌لری، مساعی طرزلری، تأثیر و عکسی تأثیرلری حقنده احصائی جدوللر وسائر .

۱۲ — تونک اوجانی، معلملر برلکی کبی جمعیتلر حقنده احصائی معلومات .

۱۳ — مکتبلر، عمومی و خصوصی تربیه وطلبه مؤسسه‌لری، لسان درسخانه‌لری کبی معارف و تربیه عمومی مسئله‌لریله مشغل تشککلر حقنده احصائی معلومات .

۱۴ — دارالفنون ودارالفنون ملحق مؤسسه‌لره دائر ایضاحات .

۱۵ — کتبخانه‌لر، غزته‌لر، نشریات مؤسسه‌لری، فعالیتلری حقنده معلومات احصائی .

۱۶ — بدیی مؤسسه‌لر، موزله‌لر، رسم وأل ایشی سرکیلری، تیارلرلر وسائر حقنده معلومات .

۱۷ — سپور وده کیزجیلک تأسیساتی، رسمی وخصوصی سپور مؤسسه‌لری، سپورجیلرك قیافتی، عددی، فعالیت و مساعیلری حقنده احصائی معلومات .

۱۸ — خصوصی باغچه‌لر، بورالرده یتشدریلان زینت چیچککاری، علی العموم شهرک محصولاتى، زراعى فعالیتى حقنده احصائیات جدوللری .

۱۹ — یولار، سوقلر، بونلرك عرضی، طولی، اسملری و تفرعاتى حقنده احصائی معلومات .

۲۰ — مبانئ دینی و مذهبییه .

۲۱ — بیه‌جکی تأمین ایدن وسائط و مؤسسات .

۲۲ — دوغریدن دوغریه شهره‌عائد اقتصادى مؤسسه‌لرك فعالیتى .

- ۲۳ — نفوسہ عائد احصائی جداول، نفوس تحولاتی.
- ۲۴ — تجارت، صنایع، زراعت، عمران و اقتصادیات.
- ۲۵ — شہرک صیفیہ لری، اکلنجہ محللاری و سائرہ.
- ۲۶ — شہرک کچر دیکہ تاریخی دور لرہہ عائد خریطہ لر، بلانلر، قروکیلر.
- ۲۷ — شہرک تاسیسنہ عائد خیالی رسملر، مؤسسہ لری، چین تاسیسنہ کی وضعیتہ دائر بلانلر، خریطہ لر، قروکیلر، رسملر.
- ۲۸ — شہرک فتحی، فاتحی، صورت فتحی، فتح ایچون استعمال ایڈیان و سائط حربیہ نمونہ لری، فتح اردوسی تشکیلات و قیافتلری حقندہ رسملر و احصائی معلومات.
- ۲۹ — شہرک فتحندن اولکی مؤسسائی.
- ۳۰ — « صوکر اکی » .
- ۳۱ — شہرک معروض قالدینی استیلارلر، تعرضلرہ دائر معلومات، رسملر، خریطہ لر، بلانلر.
- ۳۲ — فتحندن اول شہرہ کی عمومی و خصوصی اینیہ نمونہ لری.
- ۳۳ — فتحندن صوکر شہرہ کی عمومی و خصوصی اینیہ نمونہ لری.
- ۳۴ — اسکی دور لرہہ شہرک مدافعہ سنہ عائد ترتیبات.
- ۳۵ — اسکی دور لرہہ نفوس و تحولاتی حقندہ احصائیات جدولاری.
- ۳۶ — شہرک حرکتی، توسع و ترقیسی، تثنی و انحطاطی کوستر احصائی جداول، قروکیلر، خریطہ لر.
- ۳۷ — شہرک اسکی اثر لری.
- ۳۸ — شہرہ اوطوران حکمدارلر، بادشاہلر.
- ۳۹ — شہرک ماضیدہ کی ادارہ تشکیلاتی.
- ۴۰ — شہرک یتیشدر دیکہ بونوک آداملر.
- ۴۱ — شہرک خارجلہ و جواریلہ اولان مناسباتی.
- ۴۲ — وضعیت جوغرافیہ
- ۴۳ — احوال ارضیہ.
- ۴۴ — احوال ہوائیہ.
- ۴۵ — شہر لیلرک صنعت و مسلک لری.
- ۴۶ — شہرک اخراجاتی، اخراجندن متحصل واردات.
- ۴۷ — ادخالات
- ۴۸ — استہلاکات
- ۴۹ — بلدیہ تشکیلاتی، وارداتی، فعالیتی.
- ۵۰ — واردات عمومیہ.
- ۵۱ — تاریخی قیافتلر.
- شہر موزہ سنہ ادخال اولونہ جق موادندن یوقاریدہ صایا بیلدکلریمز، بومؤسسہ نک بر شہرہ نہ درجہ مفید، نہ درجہ مؤثر بر تربیہ و پرواغاندا واسطہ سی اولدیفنی واضحاً کوستر مشدر، ظن ایدہ رز. بواعتبار ایلہ، غرب مدینتک بوتون و سائلندن استفادہ ایتک عزمیلہ چالیشدیغمز شو صیرالردہ استانبولہ بر شہر موزہ سی تنظیمی، ہر حالہ لازم و ضروریدر، دینیلہ ییلیر.
- معافیہ بر شہر موزہ سی، آرزو ایدیلدیکہ وقت ہان تاسیس و کشاد اولونہ ییلہ جک بر مؤسسہ دکلدیر. موزہ نک تاسیسندن اول اوزون اوزادیہ استحضار ایدہ بولونمق، تدقیقات و تبعات اجرا ایتک و نہایت بر عتیقات متخصصنک دلات و ارشادینہ التجا ایتک و جوبی ہان ہان قطعیدر.
- بوکون موزہ تنظیمی مقصدیلہ شہر بودجہ سنہ ہیچ چکنمکسزین تحمیل ایدہ جکمز آغیرلق مشمولایلمک ایچون مطلقاً بر حاضرلق دورہ سنہ احتیاج واردر. بو دورہ بر طرفندن موزہ بناسی انشا اولوناییلہ چکی کی دیگر طرفندن دہ موزہ نی تشکیل ایدہ جک مواد و عناصرک تدقیق و تداریکلہ اشتغال ایدیلیر. بو حاضرلق دورہ سنک نہ قادر دوام ایدہ چکی ابتدادن کشف و تخمین اولوناماز.
- احضاری مساعینک بر ایکی سنہ مدہ موفقیتنی نتیجہ لر ویرمی محتمل اولدیفنی قادر، اوچ، بش سنہ دوامی دہ احتمال داخلنددر. بناء علیہ ہیچ بر سبیلہ ترددہ دوشمہ لرک شہر موزہ سنک تشکیکنہ — ولوکہ کوچوک بر تخصیص ایلدہ اولسہ — شیمیدندن تشبث ایتک، بویلدہ ایلک آدمی آتمق بزہ پک یرندہ کی کورونیور.